


DILAH TANAH



BORNEO LITERATURE BUREAU




DILAH TANAH

ANDRIA EJAU

Gambar digaga

MOHAMMED bin Hj SAHARI



BORNEO LITERATURE BUREAU

Dilah Tanah



SAR00023854

PUSAT DOKUMENTASI MELAYU
DEWAN BAHASA DAN PUSTAKA

© BORNEO LITERATURE BUREAU, 1964

PERPUSTAKAAN DBP/SAR.	
No. Kelas:	
No Perolehan: . . . 11942	
Tarikh:	T.T.

Dichelak

The South China Morning Post, Limited
Hong Kong

JAKO PENGARANG

SAMOA ENSERA tau digaga kitai bagi dua. Sabagi nya Ensera Tuai, lalu dikumbai Cherita Asal, lalu sabagi nya Ensera Kelulu, tang tau pulai ka pelajar.

Nyadi ensera enggau cherita dalam surat tu endang utai kelulu kena niu pendiau enggau ulah orang ke dulu menya enggau kitai kamaiatu. Samoa ensera enggau cherita ditu endang digaga nelusur ulah enggau pendiau kitai mensia nguan dunya. Nya alai julok ati ke ngelulu ka cherita tu, ukai semina awak ka dibacha ngasoh ati geli ngambika ketawa, tang digaga nyadi lalau nudok ka kekira kena ngulih ka penemu. Laban sekeda kelulu leka ensera enggau sindir leka cherita tau kai tenggau kena nyeremin pendiau enggau ulah mensia siko-siko, lalu ari nya kitai tau ngelengka ka ulah ke enda betuku, lalu megai pengawa ke menyana.

Nyadi cherita tu bedudok ari rumah panjai orang di DILAH TANAH. Dilah Tanah tu menoa kelulu, lalu endor iya dalam kelulu tu di Sungai Batang Kara Tunsang. Nyadi Batang Kara Tunsang nya ba kar dalam bup tu bisi dipeda, tang di menoa tu enda ulih giga laban iya jauh, iya semak, iya lindong iya tampak, menoa kitai menoa iya menoa antu menoa Petara. Tang

laban orang dalam cherita tu begulai dalam rumah panjai baka kitai, nya alai pendiau enggau kereja, ulah enggau kekira sida enda tentu jauh betelisih enggau kitai maioh di menoa tu.

Nya alai ari cherita ke nusoi ulah enggau pengawa sida di Dilah Tanah tu, ari nya kitai tau nyeremin pendiau enggau ulah diri, lalu ngelengka ka pendiau enggau kereja sida ke salah dalam cherita tu.

ANDRIA EJAU

Kuching,
8 hari bulan April
Taun 1963.

RIPIH CHERITA

	<i>Daun</i>
Rumah Engkaul	1
Bumai Betaun	5
Laya Manang Ula	10
Beranchau Tikai	20
Surat Panggil	35
Penatai Kunsil	49
Garis Menoa	53
Ngitong Tuboh	63
Adat Tunggu	65
Ngintu Rumah	71
Ngintu Pengerai	72
Kelakar Rama	77
Anak Kampar	82
Besain	95
Kampar Ngaga Ulah	101
Panggil Nuntong Kedungki	104
Pulai Undor	117
Kena Tipu	122
Pengawa Indai Biul	128
Penembu Jako	132

RUMAH ENGKAUL

PEMANJAI RUMAH orang Dilah Tanah tu limabelas pintu, lalu Tuai Rumah sida penama Engkaul. Nyadi Engkaul tu tangan umor sereta udah bebini ngambi Lechu, indu orang di Sungai Isu Nansang, lalu bisi anak tiga iko. Siko indu, dua iko lelaki, tang sama agi mit.

Rumah Engkaul tu baka rumah panjai kitai maioh tu mega endang bisi ator bisi adat kena ngintu rumah-tangga, kena ngintu indu anembiak. Tuboh sida sarumah maioh, enda ngipak ka peman-dak rumah laban sama bela peridi. Nya alai enda ulih rantai magang dalam cherita tu, tang semina mansut ka nama sekeda sida ke temu perintah, sida ke sukong Tuai Rumah sereta enggau sida ka suah agi pansut nama ketegal pemanah enggau penyalah.

Iya ke nyadi Wakil Tuai Rumah nya penama Enchaboh. Enchaboh tu pejako, ragak enggau anembiak siru enggau indu, tang penemu iya timpang mimit laban jako kelalu maioh umbang. Bini iya penama Enchelegan, menyadi bunsu bini Engkaul, nya alai seduai iya berimbai ruai.

Tuai Rumah Engkaul bisi semilan iko kamiti. Tiga iko kamiti tanah, tiga iko kamiti ai, lalu tiga iko kamiti rumah. Nyadi pengawa kamiti tanah nya nguasa samoa menoa bagi sida. Enti

sema bisi charut ka antara menoa enggau orang rumah bukai, sakalika anembiak sida sarumah bisi belaya ka temuda, kamiti nya tadi pun mutar ka sida. Tuai kamiti nya Enchaboh, ipar Tuai Rumah.

Tuai kamiti rumah nya Uchak. Nyadi pengawa kamiti rumah nya tanggung ngintu indu anembiak dalam rumah nya. Enti anembiak bisi belaya bisi kelikoh enggau pangan, kamiti nya tadi pun ngadu ka sida ngena adat ke endang dititi ditali sida kenya ari niang aki Engkaul kelia. Enti laya sida besai digaga mit, enti utai mit dipadam ka sakali. Nyadi Uchak ke nyadi tuai kamiti rumah nya pen pejako baka Enchaboh, tang jako bagas tibar jala enda betating. Tang kabuah Engkaul milih iya nyadi kamiti, laban ngulih ka nyawa iya besai nyepar-nyepar sida anembiak ke bekelikoh leboh bisi utai dipebelit ka enggau pangan; nya alai sedang dia utai dipebelit ka sida anembiak, suah tak padam diri enda datai ba orang ke tuai enti Uchak nebah nyawa besai iya.

Tuai kamiti ai sida penama Ensama. Nyadi Ensama tu enda tentu pejako, tang kering sereta rajin, nya kabuah Engkaul milih iya nyadi tuai kamiti nya. Timpoh sida ngupas ai sakali dalam tiga bulan, tang enti udah bekau bah dia reba balat bendar betakat, dia Ensama lalu ngerah sida saru-

RUMAH ENGKAUL

mah mai ngupas ai enda iboh nganti timpoh. Enti baka dunya kelia, Ensama tu tau dikumbai Bujang Sekrang, laban umor udah lalu tang apin bebini. Apai iya udah parai, menyadi nadai semina indai iya agi idup lalu nya ke betupi enggau iya. Indai iya ensepi diri nyau tuai umba pemedis punggung, suah endar udah deka ngator iya bebini, tang Ensama endang mati-idup enggai bebini indu dara sida samenoa dia. Kabuah iya enggai jadi enggau indu sida samenoa laban indu sida dia, kenu ko iya nama udah besai lalu nyau nitih ka Kuda Belang nandang ka diri ka nengeri. Nya alai ko iya nganu indai iya: "Isa meragai tuai, enggai ga aku jadi enggau indu ke udah bara niti jalai Kuda Belang."

Siko agi anembiak Engkaul penama Ula. Nyadi Ula tu manang, nya alai kedua bali nama iya Manang Ula. Keba sida sarumah leboh ke bisi tabin birin enda nyamai, sakit lengit pansa utai, endang ngambi iya magang, laban enda teleba manang perintah.

Nyadi siko ga agi anembiak Engkaul ke selalu ke buah jako sida sarumah, iya nya Ensingut. Nyadi tudah unggal Ensingut tu tadi jadi salah enggau tanah ibu iya lalu bisi anak siko. Kabuah tudah unggal Ensingut tu selalu ke buah jako sida laban

iya bagus bejako. Tang leboh nusoi berita tak nusoi sanusoi, lalu enti utai ke deka ditusoi iya nya udah abis, iya lalu angkat enggai mending ka berita orang. Iya ke nusoi enggi iya enda ngira orang mending tauka enda, nama iya udah nusoi udah tepantup ati iya. Sabengkah agi ulah Ensingut tu ke nyelai bendar, laban iya bagus gisai-gisai begaru ka selepak pah, nya ga baka liur iya nyau besambor bai nusoi utai.

Siko anembiak Engkaul ke selalu pansut nama, iya nya Biul. Nyadi kabuah iya selalu pansut nama ukai laban ditemu perintah diguna Raja, tang laban iya bejarit diperanchau ka tikai. Kabuah iya bejarit diperanchau ka tikai laban iya pengelaya nadai ngiga adai utai dipelaya. Mansang mandi pan enti orang bisi deka nurut ka iya belaya, limpang meh iya dulu, isa enda mandi. Patah sengkuit pemuru manok kena indik sida ke mit pan didawa iya ngagai Tuai Rumah ga mutik laya.

Nyadi anembiak Engkaul siko ke penama Bujang nya lurus bendar penemu. Jako enda maioh, penemu enggai bebelit. Samoa jako ke dipansut ka iya endang leka magang. Jako enda tinggi, kedua enda pemungah. Nyadi meda iya enda ragak sereta enda pejako, ari nya sida Ensingut ngumbai iya jugau. Tang leboh sida sarumah bisi laya bisi pechara enggau pangan diri dia dih Tuai Rumah

RUMAH ENGKAUL

Engkaul enda kala melakang ka iya, laban iya nemu bendar muntang jako laya ke bebelit.

Nya alai samoa sida ke udah disebut nama nya tadi, nya bala sida sarumah ke suah agi pegari nama. Bisi pegari ketegal pengelandik enggau penelap sereta enggau pemanah, lalu sekeda pegari laban suah diperanchau ka tikai ketegal belaya. Tang laya sida sarumah naka ke tau diputus ka Tuai Rumah nitih ka Tusun Tunggu kedipegai sida jarang enda ulih putus ka sida enggau manah.

Nya alai ari pun cherita tadi kitai semina udah nemu bagi sida sarumah ke nyadi kamiti, nemu bagi sida ke pejako, sida ke chakah, nemu bagi sida ke pintar enggau sida ke lengkar. Nangkan ka tu, nya baru cherita pechah nelusur pengawa enggau ulah siko-siko.

BUMAI BETAUN

SAMOA MENOA ba Dilah Tanah tu ari ulu ari ili udah bisi orang nguan magang, semina senentang Rumah Engkaul tu agi bisi tanah puang buan sabuah rumah. Nya alai ari nya sida ke kamiti tanah enggau naka penyimat ngator bagi tanah manah-manah ngagai sida sarumah ngambi ka

BAHAN SELANJUTNYA BOLEH DIDAPATI DI:

KOLEKSI BORNEO

Pusat Dokumentasi Melayu Tun Hamdan Sheikh Tahir,
Dewan Bahasa dan Pustaka Cawangan Sarawak,
Jalan Tun Datuk Patinggi Abd. Rahman Yaakob,
Petra Jaya,
93050 Kuching, Sarawak.

Telefon: 082 – 227 000/ 048

Faksimile: 082-227 088

Emel: eborneo@dbp.gov.my

“Memelihara Warisan Memupuk Wawasan”

